


**PERATURAN PERMAINAN BERBASIKAL (MTB)****1. PERATURAN TEKNIKAL**

- 1.1 Undang – Undang Permainan
  - 1.1.1 Selain daripada peraturan-peraturan yang terkandung di dalam Peraturan Am dan peraturan pertandingan ini, acara-acara yang dipertandingkan akan dijalankan mengikut peraturan- peraturan *UCI (Union Cycliste Internationale)* yang terkini.
- 1.2 Kejadian Di Luar Dugaan Dan Tidak Dinyatakan Di Dalam Peraturan Berkenaan Akan Diputuskan Seperti Berikut :
  - 1.2.1 Sebarang kejadian akan diputuskan berasaskan kepada Peraturan Am SUKIPT V, 2024.
  - 1.2.2 Sebarang perselisihan teknikal akan diputuskan oleh Jawatankuasa Teknikal dan Pertandingan SUKIPT V, 2024.
- 1.3 Semua keputusan yang dibuat oleh Jawatankuasa Teknikal dan Pertandingan SUKIPT V, 2024 adalah muktamad.
- 1.4 Bagi acara Cross Country Olympic (XCO) **Individu** Lelaki dan Wanita setiap pasukan dibenarkan mendaftarkan sekurang - kurangnya seorang peserta bagi setiap kategori.
- 1.5 Bagi acara Cross Country Olympic (XCO) **Berpasukan** Lelaki dan Wanita setiap pasukan dibenarkan mendaftarkan sekurang-kurangnya 3 peserta bagi setiap kategori yang melayakkkan untuk bertanding dalam Kategori Berpasukan.
- 1.6 Pemenang bagi acara Cross Country Olympic (XCO) **Berpasukan** akan ditentukan berdasarkan jumlah masa tersingkat 3 orang peserta pertama bagi setiap pasukan yang sampai ke garisan penamat.

- 1.7 Cross Country Time Trial (XCT) **Individu** setiap pasukan dibenarkan mendaftarkan sekurang-kurangnya seorang peserta lelaki dan seorang peserta wanita bagi setiap kategori.
- 1.8 Perserta yang sama akan bertanding dalam acara Cross Country Olympic (XCO) dan Cross Country Time Trial (XCT).
- 1.9 Kreteria Pertandingan
  - 1.9.1 Cross Country Olympic (XCO)
    - 1.9.1.1 Tempoh masa pertandingan bagi acara Cross country Olympic (XCO) Lelaki & Wanita adalah 1 Jam 30 Minit.
    - 1.9.1.2 Jarak litar antara 4 hingga 6 kilometer satu pusingan dan peserta dikehendaki melengkapkan bilangan pusingan yang telah ditetapkan bagi layak memenangi pertandingan di mana pesertapeserta yang telah di 'overlap' akan dikeluarkan mengikut arahan komisar.
    - 1.9.1.3 Jumlah pusingan litar akan ditentukan berdasarkan masa pemenang acara Cross Country Time Trial (XCT).
    - 1.9.1.4 Simbol arahan adalah seperti berikut :



- 1.9.1.5 Penyediaan zon bantuan teknikal dan sajian dengan jarak yang sesuai di tempatkan pada permukaan laluan mendatar atau mendaki dalam litar.
- 1.9.1.6 Bantuan teknikal dan sajian hanya boleh diberi di dalam kawasan atau zon yang telah ditetapkan sahaja.
- 1.9.1.7 Peserta tidak dibenarkan berpatah balik menyongsang laluan pertandingan untuk mendapatkan bantuan teknikal dan sajian.
- 1.9.1.8 Hanya pegawai pasukan sahaja boleh berada di zon bantuan teknikal dan sajian dan zon ini hendaklah diasingkan dari penonton.
- 1.9.1.9 Pertandingan hendaklah dimulakan dalam satu kumpulan.
- 1.9.1.10 Hanya peserta dan pegawai pasukan sahaja yang dibenarkan berada di dalam litar semasa latihan penyesuaian litar yang rasmi dan pertandingan dijalankan.

**1.9.2 Cross Country Time Trial (XCT)**

- 1.9.2.1 Jarak pertandingan adalah di antara 4 hingga 25 kilometer.
- 1.9.2.2 Pertandingan hendaklah dijalankan secara ujian masa perseorangan.

## 2. PERATURAN PERTANDINGAN

### 2.1 Sistem Pertandingan

- 2.1.1 Hanya peserta yang berdaftar sahaja yang dibenarkan berkayuh di litar pertandingan semasa latihan penyesuaian litar dan semasa pertandingan.
- 2.1.2 Ketua Komisar boleh membatalkan pertandingan disebabkan cuaca yang buruk setelah berbincang dengan pihak pengajur dan Technical Delegate.
- 2.1.3 Latihan penyesuaian litar yang rasmi hendaklah dijalankan sekurang-kurangnya 24 jam sebelum pertandingan.
- 2.1.4 Pengurus Pasukan atau wakil perlu menghadiri Mesyuarat Pengurus Pasukan di mana kad akredetasi dan jersey akan diperiksa. Nombor pelumba diagihkan dan lain-lain perkara yang berkaitan dengan pertandingan dibincangkan.
- 2.1.5 Pengurus Pasukan atau wakil perlu mengemukakan senarai nama terkini peserta yang akan bertanding di dalam Mesyuarat Pengurus Pasukan.
- 2.1.6 Kelayakan peserta adalah sebagaimana Perkara 3 Peraturan Am SUKIPT V, 2024.
- 2.1.7 Nombor pelumba hendaklah dipasang di handle bar basikal dan di belakang badan peserta dan peserta dikehendaki menamatkan perlumbaan dengan menggunakan basikal serta nombor handle bar yang sama.
- 2.1.8 Peserta hendaklah memakai jersey pasukan masing-masing yang seragam.
- 2.1.9 Hanya basikal bukit dengan saiz roda 26", 27.5" dan 29" dibenarkan untuk digunakan dalam pertandingan.
- 2.1.10 Peserta wajib memakai topi keledar.

- 
- 2.1.11 Peserta wajib menandatangani senarai nama kehadiran di tempat permulaan pertandingan.
  - 2.1.12 Susunan peserta semasa permulaan pertandingan Cross Country Olympic (XCO) adalah mengikut keputusan senarai pemenang acara Cross Country Time Trial XCT.
  - 2.1.13 Susunan peserta semasa permulaan pertandingan acara Cross Country Time Trial XCT adalah berdasarkan undian.
  - 2.1.14 Peserta akan dipanggil berada di tempat permulaan pertandingan sekurang - kurangnya 20 minit sebelum acara bermula di mana pengumuman dibuat lagi 5 minit, 3 minit, 2 minit, 1 minit, 30 saat dan 15 saat sebelum peserta dilepaskan.
  - 2.1.15 Satu taklimat pertandingan akan diberikan kepada peserta sebelum pertandingan dimulakan.
  - 2.1.16 Bagi acara Cross Country Olympic (XCO) peserta akan dilepaskan sekali di mana pemenang akan ditentukan berdasarkan peserta yang sampai ke garisan penamat terlebih dahulu.
  - 2.1.17 Bagi menentukan pemenang berpasukan akan ditentukan berdasarkan jumlah masa tersingkat 3 peserta terbaik dari pasukan tersebut.
  - 2.1.18 Bagi acara Cross Country Time Trial (XCT) peserta akan dilepaskan seorang demi seorang berdasarkan undian di mana pemenang akan ditentukan berdasarkan peserta yang mencatatkan masa yang tersingkat.
  - 2.1.19 Peserta perlu bertanding dengan semangat kesukaran dan tidak menghalang peserta lain yang ingin mendahului.
  - 2.1.20 Peserta hanya dibenarkan bertanding di laluan litar yang telah ditentukan.

- 2.1.21 Jika peserta tersasar dari litar pertandingan, peserta tersebut perlu memasuki semula litar pertandingan di mana tempat dia tersasar.
- 2.1.22 Peserta yang telah di ‘overlap’ dan peserta yang masanya 80% lebih perlahan dari pendahulu pertandingan semasa hendaklah dikeluarkan dari perlumbaan dengan arahan komisar.
- 2.1.23 Bantuan teknikal memperbaiki semua kerosakan basikal selain dari menukar rangka basikal dari pegawai pasukan hanya boleh di buat dalam zon bantuan teknikal dan sajian sahaja.
- 2.1.24 Petugas pasukan tidak dibenarkan berlari beriring atau menolak peserta semasa pertandingan.
- 2.1.25 Peserta atau dengan bantuan rakan sepasukan boleh membawa peralatan dan membaiki basikal di luar zon bantuan teknikal sepanjang perlumbaan.
- 2.1.26 Penukaran basikal adalah dilarang.
- 2.1.27 Peserta hendaklah menjaga dan tidak mencemarkan alam sekitar.
- 2.1.28 Peserta tidak dibenarkan menggunakan apa-apa alat komunikasi.
- 2.1.29 Tidak dibenarkan menggunakan tayar yang dipasang dengan spike besi atau seumpamanya.
- 2.1.30 Menyiram air kepada peserta di sepanjang perlumbaan adalah dilarang.
- 2.1.31 Pastikan tiada apa-apa halangan yang boleh menyebabkan kemalangan di tempat permulaan dan penamat pertandingan.

## 2.2 Pendaftaran Pemain

2.2.1 Setiap IPT dibenar mendaftarkan maksima 8 orang peserta dan 4 orang pegawai seperti berikut :-

| PASUKAN        | LELAKI | WANITA | JUMLAH |
|----------------|--------|--------|--------|
| Pengurus       | 1      | 1      | 2      |
| Jurulatih      | 1      | 1      | 2      |
| Pelumba Lelaki | 4      | -      | 4      |
| Pelumba Wanita | -      | 4      | 4      |

2.2.2 Acara dan Kategori pertandingan adalah seperti jadual berikut :-

| ACARA                                      | KATEGORI | JUMLAH |
|--------------------------------------------|----------|--------|
| Cross Country Olympic (XCO)<br>Individu    | Lelaki   | 4      |
| Cross Country Olympic (XCO)<br>Berpasukan  | Lelaki   | 4      |
| Cross Country Olympic (XCO)<br>Individu    | Wanita   | 4      |
| Cross Country Olympic (XCO)<br>Berpasukan  | Wanita   | 4      |
| Cross Country Time Trial (XCT)<br>Individu | Lelaki   | 2      |
| Cross Country Time Trial (XCT)<br>Individu | Wanita   | 2      |

**3. HADIAH**

3.1 Rujuk Perkara 16 Peraturan Am SUKIPT V, 2024.

3.2 Jumlah pingat yang ditawarkan:

| ACARA / KATEGORI                               | EMAS       |           | PERAK      |           | GANGSA     |           |
|------------------------------------------------|------------|-----------|------------|-----------|------------|-----------|
|                                                | Ditawarkan | Jumlah    | Ditawarkan | Jumlah    | Ditawarkan | Jumlah    |
| Cross Country Olympic (XCO) Individu Lelaki    | 1          | 1         | 1          | 1         | 1          | 1         |
| Cross Country Olympic (XCO) Berpasukan Lelaki  | 1          | 4         | 1          | 4         | 1          | 4         |
| Cross Country Olympic (XCO) Individu Wanita    | 1          | 1         | 1          | 1         | 1          | 1         |
| Cross Country Olympic (XCO) Berpasukan Wanita  | 1          | 4         | 1          | 4         | 1          | 4         |
| Cross Country Time Trial (XCT) Individu Lelaki | 1          | 1         | 1          | 1         | 1          | 1         |
| Cross Country Time Trial (XCT) Individu Wanita | 1          | 1         | 1          | 1         | 1          | 1         |
| <b>JUMLAH</b>                                  | <b>6</b>   | <b>12</b> | <b>6</b>   | <b>12</b> | <b>6</b>   | <b>12</b> |